



A R O L V S Quintus Diuina fauente clementia Romanorū Imperator semper Augustus, ac Germaniæ, Hispaniæ, Vtriusq; Siciliæ, Hierusalē, Hungariæ, Dalmatiæ, Croatiae, &c. Rex, Archidux Austriæ, Dux Burgundiæ, Brabatiæ &c. Comes Habspurgi, Flandriæ, Tyrolis &c. Vniuersis & singulis notū esse volumus, Quū noster & Imperii sacri fidelis, dilectus Petrus Apianus Mathematicæ rei inprimis

peritus nobis humilime supplicauerit, quod Ephemerides quasdā, vnā cū aliis infra cōmemoratis opusculis, maximo suo sumptu pariq; tū inuentionis tū æditionis labore in cōmunem bonorū studiosorūq; omniū vsum candidè & humaniter ædere secū constituerit, Vereaturq; iā ne eadē ab aliis quocq; qui ex alterius incōmodo suū aucupari cōtendunt cōmodū, quicq; alieno labore beneparta, in suū ipsorū male conuertunt vsum, imprimerentur, id quod in suū haud vulgare detrimentū redundaret, quatenus priuilegii nostri prerogatiua ad certum annorum numerum, in quo nemo planè illud tentare auderet, se adiuuare dignaremur, Quūq; nos eorū qui tū opera diligenti ac sedula, tū vigilantia sua nō mediocri quā & prouehendis bonis artibus gnauiter impendunt & inuulgandis vtilibus libris nulli nec sumptui parcentes nec labori liberaliter insumunt, Reipub. insigniter pdesse solent, emolumentū pmouere, contra dispendiū amouere, pro germano & innato nobis ad eximia honestissimāq; ingenuarum artium studia fauore studeamus, fit vt facilius Apiano quocq; prædicto, præcibus eiusdē & supplici petitioni condescendentes Gratiam nostram hac in re impertiamus singularē. Omnibus itaq; & singulis Chalcographis, Bibliopolis, & quibusuis aliis tenore præsentium districte inhibemus, ne videlicet infrascriptos libros, quos prænominatus Apianus vel iam æditioni destinauit, vel æditurus, eruditis omnibus in publicū cōmunicaturus est vnq; puta

- + Ephemerides ab anno Salutis nostræ Millesimo Quingentesimo tricesimo quarto ad Septuagesimū
- + supra Millesimū & Quingentesimū duraturas, Præterea libros de Vmbris, Centiloquiū Arithmetices, & aliū adhuc de Arithmetica libellū, cū regulis Cossæ demonstratis, De mensuratione vasorū cum artificiali partis vacuæ inuentione, Schedulas diarias siue Almanak cū iudiciis annalibus, seu (vt vulgus loquitur) Præctis, quib; æris mutationes, dierūq; electiones singulæ continentur,
- + Libros itē de coniunctionibus, Ptolemæū ex nouissima illa Vvilibaldi Pyreckammeri translatione, ante hac nūquam æditū, cū Tabulis correctissimis, & in quadrangularem figurā (cuiusmodi hætenus excusæ nō sunt) conformatis, Ptolemæi etiā libros Græce eruditos eos fanè & (quod tanto authore dignissimū erat) elegantes, natiuāq; illam suā gratiam in ppria lingua retinentes, Librum de Eclipsibus, Librū Azophi Astrologi vetustissimi, Libros Gebri, Vitellionis quoq; authoris antiquiss. simul ac doctissimi pspetiuā, opus & ingens & ipsa materiæ iucūditate laudatissimū, Astronomicū Imperatoriū, Librū de diebus Creticis, Libros de Iride, Tabulas resolutas iā per eundem recens supputatas, Radium nouū Astronomicū simulq; & Geometricū vnā cum vario Sinuum & Chordarū vfu, Librū de Speculo ad pulcherrimas dimensiones aptè ad cōmodato, Introductionem cosmographicā cū omnis generis obseruationib; itidē per sinus & chordas, adiuncto insup Meteoroscopio duplici, plano & (quod inauditū erit plerisq;) numerorū, Astrolabiūq; numerorū vniuersale vt recens ita vtilissimum, Tabulas seu Mappas, vt vocant, vniuersi terræ orbis generales aut etiā quarundam Regionum seu Prouinciæ particulares, & quicquid in Mathematicis rebus dictus Apianus sub Titulo & nomine suo, aut si qua aliena reꝝ Mathematicarū monumenta prius neutiq; excusa, sua vero iā industria recognita & restaurata, vel etiā figuris tm illustrata, per quoscūq; volet Impressores in lucem ædiderit, intra spacium Triginta annorū ab ipso æditionis die cōputando, præter suā ipsius voluntatem, excudāt, seu excudere faciant, neq; sic excusos venū exponant seu vendant, sub pena Decem Marcharū Auri puri, pro vna Camera nostræ Imperiali, altera vero medietate dicto Apiano irremissibiliter exoluendarum, tum amissionis librorum sic ad æmulationem excusorum, quos vbicunq; locorum nactus fuerit, per se siue suos, aut adiumento Magistratus eius loci, sibi vendicare & in potestatem suam redigere poterit. Harum testimonio literarum Sigilli nostri appensione munitarum. Datum in Ciuitate nostra Imperiali Ratispona, die tertia Mensis Iulii, Anno Domini Millesimo Quingentesimo Trigesimo secundo, Imperii nostri Duodecimo, & aliorum Regnorum nostrorum Decimo septimo.